

Bosna i Hercegovina
Federacija Bosne i Hercegovine
Kantonalno tužilaštvo
Bosansko-podrinjskog
kantona - Goražde

**Izvještaj o stanju kriminala i tokovima kriminala u BPK
Goražde za period 01.01.2024. godine – 31.12.2024. godine**


Goražde, mart 2025. godine

Na osnovu člana 10. i 28. stav 2) Zakona o Kantonalnom tužilaštvu BPK Goražde obaveza je ovog Tužilaštva da Skupštini BPK Goražde podnese Izvještaj o stanju kriminala i tokovima kriminala u BPK Goražde, te da obavještava o statističkom pregledu svojih aktivnosti Visoko sudsko i tužilačko vijeće Bosne i Hercegovine i Federalno tužilaštvo Federacije Bosne i Hercegovine. Izvještaj za 2024. godinu se sastoji od narativnog izvještaja o radu, izvještaja o realizaciji strateških ciljeva predviđenih strateškim godišnjim planom ovog Tužilaštva i statističkih podataka o radu.

1. OSNIVANJE, NADLEŽNOST, ORGANIZACIJA I NAČIN RADA KANTONALNOG TUŽILAŠTVA BPK GORAŽDE

Kantonalno tužilaštvo BPK Goražde osnovano je Zakonom o Kantonalnom tužilaštvu BPK Goražde ("Službene novine BPK Goražde, broj 15/02) (u daljem tekstu: Zakon), kojim se uređuje unutrašnja organizacija, nadležnost, finansiranje i drugo. Tužilaštvo je najmanja, ne samo tužilačka, već i pravosudna institucija u Bosni Hercegovini.

Kantonalno tužilaštvo BPK Goražde kao samostalni državni organ sprovodi istražne radnje i goni učinioce krivičnih djela, te vrši svoju funkciju u skladu sa Ustavom BiH, Ustavom FBiH i Ustavom Kantona. Tužilaštvo je nadležno da postupa pred Općinskim i Kantonalnim sudom u Goraždu, a teritorijalno pokriva Općinu Prača, Općinu Foča u FBiH te Grad Goražde. Ukupna površina navedene teritorije iznosi 573,1 km², sa oko 25.500 stanovnika.



Teritorijalno/mjesno područje koje pokriva Kantonalno tužilaštvo

2. ANALIZA STANJA UNUTRAŠNJE ORGANIZACIONE STRUKTURE KANTONALNOG TUŽILAŠTVA BPK GORAŽDE I TUŽILAČKA UPRAVA

Pitanje unutrašnje organizacione strukture Tužilaštva, broj administrativno-tehničkog osoblja i uslovi za obavljanje poslova regulisani su Zakonom i Pravilnikom o unutrašnjoj organizaciji i poslovanju Kantonalnog tužilaštva BPK Goražde. Navedeni Pravilnik donesen je od strane Glavnog kantonalnog tužioca uz pribavljeno mišljenje Visokog sudskog i tužilačkog vijeća BiH.

Trenutno stanje tužilačkih pozicija u Kantonalnom tužilaštvu BPK Goražde:

Redni broj	Naziv poslova i zadataka	Trenutni broj izvršilaca	Godina rođenja	Pol
1.	Glavni kantonalni tužilac	1	1983	M
2.	Kantonalni tužilac	1	1961	M

Ukupno: 2

Činjenica da su od osnivanja u kontinuitetu u Tužilaštvu imenovana samo dva tužioca sama po sebi nosi određene specifičnosti, ali i izazove u svakodnevnom radu. Tužilačku funkciju obavlja i Glavni kantonalni tužilac, koji pored tekućih rukovodećih poslova, zadužuje i radi na predmetima bez obzira na propisanu normu.

Tužilaštvo nema odsjeke, niti odjeljenja, a iste ne može organizovati zbog nedovoljnog broja tužilaca. Rad u Tužilaštvu je organizovan na način da su oba tužioca pored predmeta iz oblasti opšteg kriminaliteta, zaduženi sa predmetima privrednog i organizovanog kriminala, odnosno predmetima ratnih zločina i predmetima u kojima su učinioci krivičnih djela maloljetna lica.

Pravilnikom o unutrašnjoj organizaciji i poslovanju Kantonalnog tužilaštva BPK Goražde propisano je da unutrašnju organizaciju Tužilaštva čini Ured glavnog tužioca, Kolegij i Uprava tužilaštva.

Ured Glavnog tužioca

Ured Glavnog tužioca čine Glavni kantonalni tužilac i jedan kantonalni tužilac. Glavni tužilac predstavlja i rukovodi radom tužilaštva, a u obavljanju poslova tužilačke uprave donosi odluke, rješenja, zaključke, izdaje naredbe i daje obavezne upute u okviru svojih ovlaštenja.

Kolegij tužilaca

Kolegij tužilaca Kantonalnog tužilaštva BPK Goražde čine Glavni kantonalni tužilac i kantonalni tužilac. Kolegij može valjano zasjedati i donositi odluke ako se Glavni i kantonalni tužilac slože sa odlukom, a ukoliko dođe do neslaganja tražit će se mišljenje Glavnog federalnog tužioca FBiH. Kada je riječ o postupku po pritužbama na negativne tužilačke odluke isti je uređen Pravilnikom o unutrašnjoj organizaciji i poslovanju Tužilaštva i Obaveznim uputstvom o postupku rješavanja pritužbi na naredbe o neprovođenju istrage, naredbe o obustavi istrage, kao i pritužbe zbog neefikasnog i/ili nezakonitog rada tužilaca u krivičnim predmetima, a čiji je donosilac Glavni federalni tužilac FBiH. Navedenim aktima propisano je da povodom izjavljene pritužbe na naredbu o obustavi istrage ili naredbu o nesprovođenju istrage kantonalnog tužioca, odlučuje Glavni kantonalni tužilac. Međutim, imajući u vidu da u Kantonalnom tužilaštvu BPK Goražde okvirno polovinu predmeta zadužuje i odluke donosi Glavni kantonalni tužilac, postavilo se pitanje odlučivanja o izjavljenim pritužbama na odluke koje je isti donio. U tom smislu, određeno je da u slučaju pritužbe izjavljene na odluke donesene od strane Glavnog kantonalnog tužioca, isti o tome obavještava Federalno tužilaštvo FBiH.

Uprava tužilaštva

Upravom tužilaštva rukovodi Glavni kantonalni tužilac, a u istoj se obezbjeđuju uslovi za rad tužilaštva, organizuje unutrašnje poslovanje tužilaštva, obezbjeđuje da se poslovi vrše uredno i na vrijeme, posebno poslovi za ostvarivanje prava i dužnosti državnih službenika i namještenika iz radnog odnosa, vode odgovarajuće evidencije vezano za opšte kadrovske poslove, poslovi vezani za odnose s javnošću, kao i drugi poslovi propisani zakonom i drugim aktima.

Upravu tužilaštva čine:


- Kancelarija za registar, arhivu, prijem i otpremu pošte
- Kancelarija za poslove prepisa i diktata
- Kancelarija za opće, administrativno tehničke i pomoćne poslove

Kad je riječ o kadrovskoj popunjenosti tužilaštva, u skladu sa važećim Pravilnikom od ukupno sistematizovanih 14 radnih mjesta popunjeno je samo 5, što procenat popunjenosti čini manjim od 35%, a to znači da Tužilaštvo nema dovoljan broj zaposlenog administrativnog osoblja koje bi pružilo direktnu podršku radu tužilaca. U tom smislu u Kancelariji za registar, arhivu, prijem i otpremu pošte popunjeno je radno mjesto šef pisarne, u Kancelariji za poslove prepisa i diktata radno mjesto referenta-daktilografa, a u Kancelariji za opće, administrativno tehničke i pomoćne poslove radna mjesta referenta-tehničkog sekretara i radnika na održavanju čistoće. U pogledu stručnih saradnika, u ovom trenutku jedan stručni saradnik je zaposlen na neodređeno vrijeme i to Stručni saradnik za odnose s javnošću - portparol.

3. OSTVARENJE NORME

Kantonalno tužilaštvo BPK Goražde u 2024. godini ostvarilo je kolektivnu normu od 203,62 %. Najmanja ostvarena norma od 48,33 % ostvarena je od strane kantonalnog tužioca, dok je najveća ostvarena norma 358,92 % ostvarena od strane Glavnog kantonalnog tužioca. Osnovni razlog zbog kojeg nije ostvarena pojedinačna norma u visini koju je odredilo VSTV BiH predstavlja nedovoljan broj predmeta u radu. Upravo iz ovog razloga, prilikom ocjenjivanja rada tužilaca u tužilaštvima sa nedovoljnim brojem predmeta u radu, umjesto parametra "ostvarena norma" primjenjuje se parametar "procenat riješenih predmeta od ukupnog broja zaduženih predmeta".

Analiza ostvarene kolektivne norme Tužilaštva u periodu 2022 – 2024. godine



4. PREDMETI RATNOG ZLOČINA

U izvještajnom periodu od 01.01.2024. do 31.12.2024. godine Kantonalno tužilaštvo BPK Goražde zaprimilo je 3 predmeta ratnog zločina (1 KTRZ, 1 KTARZ, 1 KTNRZ) što na kraju izvještajnog perioda u zbiru čini ukupno 23 neriješena predmeta i to: 1 predmet KTRZ, 1 predmet KTARZ i 21 predmet KTNRZ. Obzirom na to da KT BPK Goražde nema odjeljenja ni odsjeke, te imajući u vidu da Glavni kantonalni tužilac i kantonalni tužilac rade sve vrste predmeta uključujući predmete ratnih zločina koji su po svojoj prirodi složeniji i obimniji, da se

u postojećim predmetima ratnog zločina radi isključivo o nepoznatom učiniocu sa izuzetkom jednog KTRZ predmeta u kojem je upućen zahtjev za saslušanje svjedoka koji se nalaze u Kraljevini Danskoj, Tužilaštvo će preduzeti sve objektivno moguće aktivnosti u cilju rješavanja ovih predmeta u budućem periodu.

5. OSTVARENI OBIM RADA, REZULTATI RADA TE KVALITET RADA KANTONALNOG TUŽILAŠTVA BPK GORAŽDE SHODNO KRITERIJIMA ZA OCJENJIVANJE RADA NOSILACA PRAVOSUDNE FUNKCIJE U TUŽILAŠTVU

5.1. PRIJAVE

U izvještajnom periodu od 01.01.2024. godine - 31.12.2024. godine u Tužilaštvu je zaprimljeno 99 prijava, dok su iz prethodne godine ostale 2 neriješene prijave tako da je u radu ukupno bilo 101 prijava od čega je KT - 92, KTK - 4, KTPO - 3, KTD - 1, KTRZ - 1.

U izvještajnom periodu riješeno je 99 prijava (KT - 90, KTK - 4, KTPO - 3, KTD - 1, KTRZ - 1), dok su 2 prijave ostale neriješene (KT - 2).

U odnosu na prethodnu 2023. godinu, u 2024. godini zabilježen je veći priliv prijava za oko 10%.

Prosječna dužina trajanja prijava u toku 2024. godine u Kantonalnom tužilaštvu BPK Goražde iznosi 20 dana.

5.2. ISTRAGE

U izvještajnom periodu od 01.01.2024. godine - 31.12.2024. godine u 98 predmeta donesene su naredbe o sprovođenju istrage (KT - 90, KTK - 3, KTPO - 3, KTD - 1, KTRZ - 1), dok iz prethodne godine nije okončano 5 istraga (KT - 5), tako da su u radu bile ukupno 103 istrage (KT - 95, KTK - 3, KTPO - 3, KTD - 1, KTRZ - 1).

U izvještajnom periodu okončane su 94 istrage (KT - 90, KTK - 1, KTPO - 2, KTD - 1), dok na kraju 2024. godine nije okončano 9 istraga (KT - 5, KTK - 2, KTPO - 1, KTRZ - 1).

Prosječna dužina trajanja istraga u toku 2024. godine u Kantonalnom tužilaštvu BPK Goražde iznosi 34 dana.

5.3. OPTUŽNICE

U izvještajnom periodu od 01.01.2024. godine - 31.12.2024. godine podignuto je 87 optužnica (KT - 85, KTD - 1, KTPO - 1). Od strane suda potvrđeno je 86, dok 1 optužnica nije potvrđena jer je u sud predata na kraju izvještajnog perioda, tako da istu sud nije razmatrao.

Od strane suda doneseno je 80 pravosnažnih osuđujućih presuda (30 presuda sa izrečenom kaznom zatvora, 45 sa izrečenom uslovnom osudom, 5 sa izrečenom novčanom kaznom i 1 oslobađajuća presuda).

Omjer pravosnažnih osuđujućih presuda u odnosu na ukupan broj pravosnažnih presuda u 2024. godini za predmete i lica općeg kriminala je 99,00%.

Prosječna dužina trajanja predmeta u 2024. godini u Kantonalnom tužilaštvu BPK Goražde iznosi 58 dana što je najkraće vrijeme na nivou tužilačkog sistema Federacije BiH čiji je prosjek 260 dana.

Pod kvalitetom rada podrazumjeva se kvalitet podignutih optužnica, kvalitet naredbi o neprovođenju istrage i naredbi o obustavi istrage. Kvalitet podignutih optužnica predstavlja omjer ukupnog broja pravosnažnih odbijajućih i oslobađajućih presuda i pravosnažnih rješenja o odbijanju optužnice, u odnosu na ukupan broj podignutih optužnica, a isti je u 2024. godini iznosio **98,85%**. Kvalitet naredbi o neprovođenju istrage i naredbi o obustavi istrage, predstavlja omjer ovih odluka i ukupnog broja rješenja o uvažavanju pritužbi na ove naredbe koje glavni tužilac donese u ocjenjivanom period, a za obe vrste naredbi u 2024. godini iznosi **100%**.

6. OSTVARENI REZULTATI U POGLEDU RJEŠAVANJA KTA I KTN PREDMETA

U izvještajnom periodu od 01.01.2024. godine - 31.12.2024. godine u radu je bilo ukupno 192 predmeta KTA, KTAK, KTAPO, KTMPOM i KTAO, od kojih je u 2024. godini riješeno 149 predmeta, tako da su na kraju izvještajnog perioda ostala 43 neriješena predmeta.

U izvještajnom periodu od 01.01.2024. godine - 31.12.2024. godine u radu je bilo ukupno 26 KTN predmeta od čega su riješena 2 predmeta tako da su na kraju 2024. godine ostala 24 neriješena predmeta. U KTN predmetima je počinjeno konkretno krivično djelo ali je nepoznat počinilac, te agencije za provođenje zakona pod nadzorom tužioca poduzimaju potrebne radnje u cilju otkrivanja počinioca. Ukoliko se otkrije počinilac ovi predmeti mijenjaju oznaku u KT. U slučaju neotkrivanja počinioca, ovi predmeti se u skladu sa zakonom vode u evidencijama kao otvoreni predmeti do donošenja tužilačke odluke o nastupanju zastare krivičnog gonjenja.

7. OSTVARENI REZULTATI U POGLEDU RJEŠAVANJA PREDMETA KORUPCIJE I PRIVREDNOG KRIMINALA

7.1. PREDMETI KORUPCIJE

U izvještajnom periodu od 01.01.2024. godine - 31.12.2024. godine primljene su 3 prijave, dok je jedna prijava neriješena iz 2023. godine tako da su u radu bile ukupno 4 prijave. U 1 predmetu donesena je naredba da se istraga neće provoditi, a u 3 predmeta donesena je naredba o provođenju istrage. U 1 predmetu obustavljena je istraga, dok su 2 predmeta u fazi istrage ostala neriješena.

7.2. PREDMETI PRIVREDNOG KRIMINALA

U izvještajnom periodu od 01.01.2024. godine - 31.12.2024. godine primljene su 3 prijave, a donesena je naredba o provođenju istrage u 3 predmeta. U izvještajnom periodu riješene su 2 istrage, tako što je u 1 predmetu obustavljena istraga, a u 1 predmetu podignuta optužnica. Na kraju 2024. godine ostao je 1 neriješen predmet u fazi istrage.

8. PLAN RJEŠAVANJA STARIH PREDMETA

Tužilaštvo je u planu rješavanja starih predmeta* za 2024. godinu imalo 2 predmeta. U izvještajnom periodu od 01.01.2024. godine - 31.12.2024. godine riješen je 1 predmet koji predmet je riješio Glavni kantonalni tužilac pa je procent i realizacija riješenih starih predmeta iz plana 50%.

*Pod starim predmetom podrazumjeva se predmet koji je od zaprimanja inicijalnog akta u tužilaštvu stariji od dvije godine.

9. PROSJEČNO ZADUŽENJE TUŽILACA PREDMETIMA

U Tužilaštvu se predmeti dodjeljuju automatskom raspodjelom predmeta putem TCMS-a prema dežurama dežurnog tužioca. Obzirom na specifičnosti u organizacionoj strukturi (u Tužilaštvu imenovana samo 2 tužioca i to Glavni kantonalni tužilac i kantonalni tužilac), iako je orijentaciona norma Glavnog tužioca utvrđena u visini od 20% orijentacione norme, u praksi se dešava da najčešće podjednak broj predmeta bude dodijeljen Glavnom tužiocu i kantonalnom tužiocu.

U odnosu na izvještajni period od 01.01.2024. godine - 31.12.2024. godine zaduženja pojedinačno iznose 174 predmeta za Glavnog kantonalnog tužioca i 138 za kantonalnog tužioca.

10. BROJ PREDMETA ZASTARE

U Tužilaštvu u izvještajnom periodu za 2024. godinu nije bilo zastare predmeta.

11. INFORMACIJA O PRIMJENI SMJERNICA ZA PREVENCIJU SEKSUALNOG I RODNO ZASNOVANOG UZNEMIRAVANJA U KANTONALNOM TUŽILAŠTVU BPK GORAŽDE

Smjernice za prevenciju seksualnog i rodno zasnovanog uznemiravanja predstavljaju skup mjera i aktivnosti preventivnog karaktera koje se poduzimaju u pravosudnim institucijama radi sprečavanja seksualnog i rodno zasnovanog uznemiravanja.

Odjeljkom III tačka 3.6.e. Smjernica za prevenciju seksualnog i rodno zasnovanog uznemiravanja u pravosudnim institucijama u BiH propisano je da će pravosudne institucije VSTV BiH dostaviti informaciju o preduzetim internim mjerama na prevenciji seksualnog i rodno zasnovanog ponašanja u sklopu redovnog godišnjeg izvještaja. S tim u vezi ističemo da u ovom Tužilaštvu nije bilo slučajeva neželjenog ponašanja u pogledu seksualnog i rodno zasnovanog uznemiravanja unutar institucije, niti prema trećim licima.

Svi uposlenici ovog Tužilaštva upoznati su sa internim procedurama za preventivno djelovanje te su dobili primjerak Smjernica za prevenciju seksualnog i rodno zasnovanog uznemiravanja u pravosudnim institucijama u BiH.



KANTONALNI TUŽILAC

Golubović
Golubović Predrag

ZNAČENJE POJEDINIH OZNAKA

Neodredivo krivično djelo ili počinitelj

KTAK	Neodredivo krivično djelo ili počinitelj, a ukazuje na protupravnu radnju
KTARZ	Neodredivo krivično djelo ili počinitelj – ratni zločin
KTAKO	Neodredivo krivično djelo ili počinitelj – privredni kriminal
KTAK	Neodredivo krivično djelo ili počinitelj – djela korupcije
KTAKO	Neodredivo krivično djelo ili počinitelj – djela organiziranog kriminala
KTAT	Neodredivo krivično djelo ili počinitelj – djela terorizma

Krivično djelo s nepoznatim počiniocem

KTN	Konkretno krivično djelo s nepoznatim počiniocem
KTNRZ	Konkretno krivično djelo s nepoznatim počiniocem – ratni zločin
KTNK	Konkretno krivično djelo s nepoznatim počiniocem – djela korupcije
KTNO	Konkretno krivično djelo s nepoznatim počiniocem – djela org. kriminala
KTNPO	Konkretno krivično djelo s nepoznatim počiniocem – privredni kriminal
KTNT	Konkretno krivično djelo s nepoznatim počiniocem – djela terorizma

Konkretno krivično djelo i počinitelj

KT	Konkretno krivično djelo i počinitelj – fizičko lice
KTM	Konkretno krivično djelo sa maloljetnim počiniocem
KTMP	Konkretno krivično djelo sa maloljetnim počiniocem – policijsko upozorenje
KTRZ	Konkretno krivično djelo i počinitelj – ratni zločin
KTPO	Konkretno krivično djelo i počinitelj – privredni kriminal
KTF	Konkretno krivično djelo i počinitelj – finansijska istraga
KTAK	Konkretno krivično djelo i počinitelj – djela korupcije
KTAT	Konkretno krivično djelo i počinitelj – djela terorizma
KTO	Konkretno krivično djelo i počinitelj – djela organiziranog kriminala

Postupci po žalbi

KTŽ	Konkretno krivično djelo i počinitelj – fizičko lice – postupak po žalbi
KTMŽ	Konkretno krivično djelo s maloljetnim počiniocem - postupak po žalbi
KTRŽŽ	Konkretno krivično djelo i počinitelj – ratni zločin - postupak po žalbi
KTPOŽ	Konkretno krivično djelo i počinitelj – privredni kriminal - postupak po žalbi
KTFŽ	Konkretno krivično djelo i počinitelj – finansijska istraga - postupak po žalbi
KTAKŽ	Konkretno krivično djelo i počinitelj – djela korupcije - postupak po žalbi
KTATŽ	Konkretno krivično djelo i počinitelj – djela terorizma - postupak po žalbi
KTOŽ	Konkretno krivično djelo i počinitelj – djela org. kriminala - postupak po žalbi